

Wednesday, April 30, 2025

Time - 2:30pm - 2:35pm

REGIONAL NEWS BULLETIN

(MIDDAY)

FORMER RS MP DIED

Rajya Sabha MP hlui Ronald Sapa Tlau, Zonuam veng, Aizawl chu tukin dar 8 khan AIIMS, New Delhi-ah lung tha lo avangin a thi a, kum 71 a ni.

MPCC Vice President nilai Ronald Sapa Tlau hi lung tha lo avangin AIIMS, New Delhi ah zai a ni a, hlawhtling taka zai ni mahse a taksa in a tlin loh avangin tukin dar 8 lam khan a boral ta a ni.

Pu Ronald Sapa Tlau hi Hualtu, Serchhip District-a piang a ni a, kum 2014 July thla khan Indian National Congress ticket in Rajya Sabha MP ah thlan tlin a ni a, kum 2020 July thleng Rajya Sabha MP a ni a, tunah hian Mizoram Pradesh Congress Committee ah Vice President a ni bawk.

Pu Ronald Sapa Tlau ruang hi Delhi atangin naktuk tlai lamah Aizawl alo thlen beisei a ni a, naktuk zanah tlaivar pui tur niin a tuk zirtawpni ah a chenna Zonuam ah vui a ni dawn a, a chhungte leh a Nu leh Pa te phumna Vaivakawn thlanmual ah phum tur a ni ang.

Chief Minister Pu Lalduhoma chuan ram tana an thawhpui leh a thian tha Pu Ronald Sapa tlaw chu an ui takzet a ti a, ram tana a hnathawh ropui tak an hre reng tih sawiin a kalsan tak a chhungte an tawrhpu takzet a ti bawk.

Mizoram Pradesh Congress Committee chuan hun lo taka an Vice President Pu Ronald Sapa Tlau in a boral san chu an ui takzet a ti a, Pu Ronald-a chu mi rethei ngaihsak mi niin Rajya Sabha MP anih laiin Ambedkar Foundation kaltlangin party sawi lovin cancer leh kal thalo ten amah avangin a thlawna inenkawlana an dawn phah an ti a, MPCC President Pu Lal Thanzara chuan Pu Ronald Sapa Tlau thlahna leh ui thu sawi a ngai chu paw antih thu sawiin a thihna chuan Congress party nasa zawka ram leh hnam tana rim taka thawk turin a tihchak thar ngei a beisei a ti a, Rajya Sabha MP Pu Ronald Sapa tlaw pual hian vawiin khan Congress Bhavan ah sunna hun buatsaih a ni a, a pualin minute khat ngawi renga dingin Congress flag pawh a ngul chanve-a zar a ni.



CM

Chief Minister Pu Lalduhoma'n fur alo hnaih avangin vanduinana laka mipuite an him tlan theih nan mitin fimkhur turin a duh tih a sawi.

Pu Lalduhoma chuan a instagram account kaltlangin he thu hi a sawi a, Mizoram chu ruahtui tam na hmun anih avang leh tlangram awm anih avangin ruah tam tumin harsatna lian tham thleng thei a ni a ti a, mi tin te fimkhur a pawimawh a ti bawk.

Chief Minister chuan Leilung chhiatna leh vanduinana laka him turin mi tin fimkhur tura chahin lung lakna hmuna thawkte, Construction Work thawktute, lui leh ram lama hnathawk thin bakah lirtheia zin vak thin te leh leilung chhiatna thlen palh theihna hmun hlauhawma hnathawk leh awm

fimkhur zual a ngaih thu a sawi a, Chhiatna thlen palh ah Disaster Management and Rehabilitation Department lam emaw mahni bialtute rang taka hriattir a pawimawh tih a sawi bawk.



AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah thin a ni.

Zanin dar 6 leh a chanve-ah Chanchinthar hi puan leh a ni ang.



CGHS

Central Sorkar hnathawkte leh pensioner-te damloh nikhuuaa senso tlem zawka an inenkawl theihna tur Central Government Health Scheme Wellness Centre-ah mi 6072 ziahluh an ni tawh a, Card holder 1545 an awm tawh.

Central Government Health Scheme (CGHS) hamthatna dawng theite hi sawrkar laipui hnuaia hlawh la mek te leh pensioner-te bakah anmahni a innghat an chhungte leh India zalenna sualtute leh PIB (Delhi) hnuaia Accredited Journalist te an ni a, Wellness Centre-ah hian doctor leh nurse te awmin, Wellness Centre bakah hian state chhung emaw state pawna CGHS recognized hospital hrang hrangah te inenkawltha zawk dawng tura damlote refer theih niin Central Government Health Scheme hamthatna dawng thei tur hian a hranpa a inziahluh a ngai a ni.

CSHG Senior Medical Officer Dr.Lalbiaktluangi chuan CSHG chu sawrkarin a ngaih pawimawh thu sawiin chak zawka hna an thawh theih nan April ni 28 khan sorkai laipui chuanin server thar C-DAC an rawn dah sak thu a sawi.



CASUAL TEACHER PROTEST

Mizorama Casual Teacher Association chuan anmahni lak dawna engagement order awm sa anga March thla hlawh an lak loh avang leh extension order chu kum khat atana pawhsei sak loa thla 6 chhung chauh pawh sei sak annih avangin sawrkar laka lungawilohna lantir nan vawiin khan sikul an kai lo.

Mizoram Casual Teacher Association thuchhuah tarlan danin an hna pawhsei sak chu kum khat chhung tura beisei anih laiin thla 6 chhung chauh pawhsei sak an ni a, heng bakah hian Extension order hi sikul kai hma ngeia chhuah fel tur anih laiin vawiin thlenga ala fel loh avang leh Office lam ngenna avangin dinhmun chianglo takin thla khat sikul an kal tawh an ti a, Dan in a phut ang thlapa lak Casual Teacher te chu zirtirtu dang te aia dinhmun thalo leh ban mai mai theiha an ding chu sawrkarin ngaihtuah leh rawh se tiin thuchhuah an siam a ni.

